


籌辦夷務始末

同治朝
卷三十一之三十二

347.911
S0000



籌辦夷務始末卷之三十一

同治四年乙丑正月辛丑烏里雅蘇台將軍明誼參贊大臣車林敦多布麟興奏唐努烏梁海遊牧北與俄羅斯接壤適中之地原設有和呢音達巴哈克木格木齊克達巴哈沙賓達巴哈界牌每年春秋二季該俄國差派官兵數名遊轉一次事畢由烏梁海總管呈報等語轉咨庫倫大臣查照。歷經辦理在案。據總管呈報。俄國去年未派弁兵遊轉和呢音達巴哈界牌。今年應在和呢音達巴哈界牌會哨。亦未前來。等除劄飭該總管添派官兵在彼常川守候。並知會庫倫辦事大臣查照外。理合附片陳明。

御批知道了。

戊申。護理浙江巡撫布政使蔣益澧奏。山陰縣革紳陳顯承等。串通洋人已賣米穀一案。臣親提研鞫。同治二年正月間。紹郡克復。所有賊遺米穀貨物。經前署甯紹台道張景渠。與府縣查看封禁。詎洋人德爾梅意欲據充功賞。山陰革紳陳顯承。因先在兵米局。曾解洋營兵米。與通事人等熟識。隨往調停。時德爾梅索洋十萬圓。又外費洋一萬圓。陳顯承即寫給憑票六紙。分作六箇月歸還。德爾梅又令管帶法國兵勇委員周世熊。蓋用戳記。陳顯承隨設局變賣米穀。將賣價解交洋人。並各項開銷外。短欠尚多。無

從措解。欲請善後局彌補。經代理紹興府楊叔樸稟經前
兼署撫臣左宗棠。飭善後局將欠文洋人之款。代為彌補
清楚。提陳顯承到衢州大營訊供。陳顯承旋在西安縣押
所病故。查陳顯承不奉地方官劄諭。輒敢與洋人私自說
合。包賣米穀。寫給憑票。難保無貪利營私情弊。本應從重
究詰。業已病故。應毋庸議。周世熊俟查提到日。另行擬結
御批。該部知道。

乙卯。伊犁將軍常清。參贊大臣明緒。奏。等前因回匪猖
獗。城圍緊急。西五城均被圍困。各路無兵可調。不得已行
文借調俄羅斯兵數十名。藉作聲援。竊計俄人明春因分

界之事前來。乘我之危。定必種種格外要求。彼時內憂外患。倉猝之際。何能兼顧。不如趁此回匪滋擾。藉調俄兵協力。勦除逆匪。實為兩得其便。如俄兵果肯欣然前來。並無異議。卽令其助勦。事竣後。奏請酬勞。若藉端格外爭地要求。貪得無厭。等則富殫竭血。誠儘力辯駁。相機辦理。儻竟逞兵肆虐。等亦惟有就其事之鉅細。斟酌於俄回之間。兩害相形。取其輕者。據實具奏。請

旨。等斷不敢推諉卸責。致貽

朝廷之憂。

諭議政王軍機大臣等。常清明緒奏。借調俄兵助剿。借調俄兵一節。亦是出於萬不得已。著遵照上年十二月十一日寄諭酌量妥辦。不可稍涉大意。

丙辰。閩浙總督左宗棠。福建巡撫徐宗幹奏。臣於上年臘月二十七日。准福州將軍英桂咨開。二十二日。據廈門口稅務司休士申陳。同治三年十二月十七夜。盤獲遞送逆信之陳金隴。卽陳九里。解交興泉永道訊明正法。臣閱逆書。意在乞援外國。希圖以厚利動其心。以詔附藉其助。所錄陳金隴供詞。稱係永定南雷鄉人。咸豐元年。因看地至廣西。與洪秀泉。李侍賢。胡以琬等。結為兄弟。同在廣西倡

亂。曾助各逆銀兩。旋即回家。本年九月間。李侍賢陷漳州。該犯即投入城中。說李侍賢須與鬼子和好。相機行事。由水路可達天津。李侍賢即寫密信。託該犯送去。走至洋樓前。見有洋人在旁。想遞此信。即被盤獲。臣查逆首李侍賢。富竄盛之時。妄希勾結外國。為通海地步。廈門稅務司休士。於究出逆情後。即鈔稟申陳。實屬情殷報效。深明大義。應懇

皇上天恩。將廈門稅務司休士

嘉獎。飭令英桂頒賞物件。以示優異。

御批。總理各國事務衙門議奏。

諭議政王軍機大臣等。左宗棠等奏廈門稅務司休士等盤獲遞送逆信。勾通洋人之陳金龍。卽陳九里。已將該犯訊明正法。並請將休士嘉獎等語。已令總理各國事務衙門議奏。

辛酉。總理各國事務恭親王等奏。再上年九月間。美國公使帶同該國文士丁韋良來臣衙門。呈出萬國律例四卷。請為改削刊刻。當經臣等具奏在案。茲據丁韋良將是書刊成。呈送臣衙門。並求作序以冠其首。又請將代為刪削此書之章京陳欽等銜名。一併刊入。窺其意不過欲藉中國之文物聲明。以誇耀於外國。臣等公同商酌。由臣董恂作序一篇。並將該章京等名姓附列序內。送交丁韋良手

收。除俟此書印成。給通商口岸各存一部外。謹鈔錄。臣董
恂所作序文。恭呈

御覽。

御批。知道了。

萬國公法序文

塗山之會。執玉帛者萬國。維時。上氏宅。上。其詳弗可得
聞。已。顧或疑史氏侈詞。不則通九州外數之。今九州外之
國林立矣。不有法以維之。其何以國。此丁韋良教師萬國
公法之所由譯也。韋良能華言。以足書就正。爰屬。歷城陳
欽。鄭州李常華。定遠方濬師。大竹毛鴻圖。刪校一過。以歸

之。躋良蓋好古多聞之士云。同治甲子冬十有二月。揚州董恂序。

乙丑。成都將軍崇實。四川總督駱秉章奏。竊臣等前准總理各國事務衙門咨。飭將川省重慶府城內崇因寺。卽長安寺。給與川東主教范若瑟。改建經堂。以抵償從前四處經堂等因。當經劄飭本任川東道吳鎬。妥速遵辦。旋據吳鎬具稟。忽有無知愚民。糾眾滋事。將天主教真原堂等處打毀。臣等將吳鎬撤任。奏奉

諭旨。在案。查崇因寺在重慶城內。地勢極為高敞。可以俯瞰全城。遠矚四境。前次賊匪滋擾時。紳民於寺內建修倉廩。存儲

軍火。作為川東三十六屬保甲團練總局。係屬渝城最要之區。吳鎬奉文。當卽督飭紳民遵辦。紳民等因該寺先已作為川東全屬公所。無從改移。擬欲籌款另買閒曠處所。轉給修建經堂。眾議未定。同治二年正月二十四日。本任巴縣知縣張東望。復傳闔城紳士。籌議撥給閒。忽有各街無知之徒。輒集多人。找尋天主教士理論。互相爭鬧。將天主教所設真原堂。傳經公所。醫院學堂三處。門窗戶格。一並打毀。並損失什物銀兩。以致各街無業游民。乘機而起。將教民羅廣濟等各家。同時打壞。衣物亦多損失。維時人多勢眾。經吳鎬督同府縣。會營帶領兵役。馳往彈壓驅逐。

當經拏獲但洪清等八人。餘均追散。查驗習教人等。並未受傷。吳鎬稟經臣等將其撤叅。檄委恆保署理篆務。恆保履任後。立即出示安撫良善。解散脅從。旋據教民羅廣濟等呈控保甲局士張先昭等。並監生陳桂林等有主使打鬧情事。並稱損失貨物錢財共值三十餘萬兩。恆保親詣勘明各處被毀屬實。提訊拏獲之但洪清等。僅止隨聲附和。俱非主謀生事之人。其局士張先昭等亦究明並無主使情事。一面督同府縣傳集紳民。曉以大義。並明諭天主教已奉

旨弛禁。該紳民與教民同鄉共井。允宜兩相和睦。各保身家。勿得

因此生嫌。藉為口實。該紳民等亦知大局攸關。且同處鄉里。願與教民和好。並願將打毀教堂等處。籌款賠償。而范若瑟亦函致張東蓀。將以和睦於眾。正在辦理間。范若瑟旋即進京。並赴各處傳教。遲之又久。始行回渝。經閬邑紳商士庶。與范若瑟當面議和。據紳商等咸稱教堂等處被毀。實出於無知愚民。一朝逞忿。並無主使之。人。所有被毀房屋。損失器物。甘願賠償。而范若瑟亦願讓出崇因寺。以順輿情。當經眾商民議定。給與范若瑟暨各教民共銀十五萬兩。其銀在於紳商公存款內籌給。當先付范若瑟四萬兩。掣有收票。餘銀十一萬兩。分作四年付給。所有崇因

寺卽長安寺。公同議明。旣經讓出。仍作為川東團練總局。以期彼此相安。其合州等處天主堂四處原址。范若瑟亦俱請免查追。當卽憑眾書立合同和約各二紙。公同畫押。各執二張存據。從此和議旣定。彼此嫌怨俱釋。永敦和好。但洪清等僅止隨聲附和。並非首惡。據范若瑟懇求免究。以釋嫌怨。臣等查該寺早已作為川東三十六屬保甲團練總局。存儲軍火。係渝城最要之區。今若強令撥給。必致拂眾心而動公忿。該處紳民甘願籌給賠款。不願將該寺撥給。實因關係地方起見。今范若瑟旣知事非眾願。不要長安寺以與眾和。並合州等四處原址。一併請免查追。而

紳民甘願賠償銀十五萬兩。彼此嫌怨胥泯。永相和好。况銀係由於紳商陸續積存付給。既非庫項。又不派累民間。於事初無窒礙。且其被毀房屋。損失衣物。據稱值銀三十餘萬兩。雖無確數可稽。究竟所失亦屬不少。兼以重慶夔府涪合二州。舊有之原址。以及准給之長安寺。共係五處。今既一併讓出。其所償之數。又係由眾紳自相議定。合無仰懇

天恩。准予就此議結。以順輿情。但洪清等八人。訊止隨聲附和。雖據范若瑟代懇免究。然亦未便竟置不議。但洪清等均擬枷號兩箇月。重責發落。本任巴縣知縣張秉馨未能豫為

防範彈壓。殊屬疏忽。第案既息結。應與訊無主使之局士
張先昭等。均免置議。本任川東道吳鎬。前經奏參。部議降
級留任。欽奉

諭旨。准其抵銷。亦請免于再議。臣等仍隨時督飭各地方官。剴切
曉諭。嗣後不得尋釁滋事。以期長久相安。

御批。依議。該衙門知道。

丙寅。總理各國事務恭親王等奏。同治四年正月二十一日。由軍機處交出閩浙總督左宗棠等奏。廈門稅務司休
士申報。盤獲遞送逆信之陳金龍。訊明正法。請將稅務司
等獎勵等因。奉